

# Aen Ranzyouq Gvaq 30 Bi Le

## 30 年后的住宅



Gvaq 30 bi le seizhaenx aen ranzyouq baenzlawz yiengh, siengsaenq aen vahdae neix gig ciunyex mwngz ba? Aen ranzyouq 30 bi gvaqlaeng dwg dauq ranz youh gaugaep youh saedyungh he!

Moixdang mwngz yaek byaij haeuj douranz seiz, bakdou rox sauymyauz aen ndang mwngz, dwg vunz ndaw ranz cij hawj haeujbae, danghnaeuz mbouj dwg, baez byaij gyawj couh deng dien myab laemxroengz, cungj gauhgohgi neix hawj vunz ndaej mienx dawz yaekseiz sinhoj, youh ndaej mienx bae gij mazfanz lumzgeiq yaekseiz youq ranz mbouj ndaej haeuj ranz.

Haeuj ranz le, danghnaeuz mwngz duet buh roengzdaeuj, gyaqbuh couh gag byaij daeuj henz ndang mwngz, hawj mwngz ndaej fuengbienh cuengq buh, mauh, daeh daengj doxgaiq. Naengh

roengzdaeuj le, densigih rox gag hai, mbouj yungh doengh fwngz, dangyienz engqgya mbouj yungh yauzunggi, cigciep aeu fwngz baez vix, mwngz siengj yawj gijmaz cezmuu couh rox gag boq okdaeuj, yawj cizboh roxnaeuz yawj hoizdauqboq cungj ndaej. Mwngz hozhawq seiz, lwgfwnz doengh mbat he, couh miz raemx, gojloz, raemxmaccengz daengj doengh gij mwngz siengj ndoet haenx soengq daengz henz mwngz. Danghnaeuz mwngz mbouj siengj yawj densi, mwngz ndaej sikhaek bienq densi baenz dennauj, siengj dwk gijmaz youzhi couh dwk gijmaz youzhi, mwngz caen ndaej yiengsough lo.

Gwn haeux seiz, ngoenzneix siengj gwn gijmaz, youq gwnz daiz diemj mbat he, sikhaek couh miz gij byaek gij haeux baenz vanj baenz banz nyoengx okdaeuj. Gwn imq ndoet doh le, baenz hwnj mbonq ninz lo, youq ndaw rug cijaeu mwngz siengj ninz cungj mbonq lawz, de couh bienq cungj mbonq de okdaeuj. Dwg lo, gij fwngzhwnz loq mwngz, ndaej dwg fangzhwnz ndei, hix ndaej dwg fangzhwnz saenzgeiz……

Baenzlawz yiengh? Aen ranzyouq gvaq 30 bi le youh raeujrub youh an' onj, cungj ranz neix mbouj dwg mbouj miz hojnaengz bw. Ndeindei hagsib, itdingh naengz caux ok cungj ranz baenzneix ndei. Aen ranzyouq gvaq 30 bi, youh gaugaep youh saedyungh ba?

(haj nienzgaep Lanz Cihmung)

## Gou Aeu 我要

Gou aeu mbin hwnj mbwn bae,  
Mbaet aeu aen ndaunde gyaunde,  
Soengq hawj daxmeh ndeigyaez gou.

Gou aeu daiq daengx gyoengq lwgnyez,  
Bae daengx seiqgyaiq youzlangh yawj doxgaiq,  
Soengq seiz nyz vaiqvuet hawj gyoengqde.

Gou aeu con haeuj ndaw sim vunzhung bae,  
Soengq gij maedfueng hawj aen sim cinghseuq  
lumj lwgnyez nei hawj gyoengqde.

(seiq nienzgaep Cwng Veizgyah)



Mbwn laepsuemsuem, yaepnde fwn doeksese roengzdaeuj, seizneix, duz nyaenma he gag mbwq gag daejngw' ngw…… Laxlawz de boux ndeu gag youq ranz, raen vunz cungj miz baengzyoux buenz, miz baengzyoux guhcaemz, miz baengzyoux bangcoh, couh swheij gag siengsim, seizneix de gietsim okbae gyau baengzyoux.

Nyaenma byaij dwk byaij dwk, daeuj daengz henz rij, yawjraen moulwg caeuq bitlwg itheij guhcaemz, couh hwnjbae riu dwk doiq bitlwg naeuz: "Caeuq gou guh baengzyoux ndaej lwi?" Bitlwg fwt raen nyaenma, doeksat dwk laemx bae. Bitlwg benz hwnjdaeuj doiq nyaenma naeuz: "Mbouj ndaej, baez raen mwngz couh mboujmiz saeh ndei. Baezgonq couh dwg raen mwngz, gou cij deng daxmeh ndaq!" Nyaenma siengsim dwk yawj moulwg, moulwg ngamq siengj naeuz "gou doengzeiq", bitlwg gaenq ciengj naeuz gonq: "Moulwg, gaej lumz lo, baezgonq de youq dangqnaj vunzlai naeuz mwngz rwix, doeklaeng gyoengq baengzyoux mwngz cungj mbouj leixlangh mwngz lo." Moulwg dingq le,

lienmuengz doiq dauq laeng geij yamq, saenzdedded dwk doiq nyaenma naeuz: "Dwg ha, baez bungz mwngz cungj mboujmiz saeh ndei." Gangj sat, moulwg caeuq bitlwg cungj byaijdeuz lo.

Nyaenma doeknaiq lo, hoeng de gag nai swheij naeuz: "Gou itdingh mbouj naengz yienghneix couh suenq lo, itdingh miz vunz haengj caeuq gou guh baengzyoux." Nyaenma byaij daengz dangqnaj goengq bya he, cingqngamj, miz duz muilwg he cingq yaek hwnj bya bae. Nyaenma buet bae coh duzmui haenx, gaem dawz muilwg cik fwngz he gouz dwk naeuz: "Caeuq gou guh baengzyoux ndaej lwi?" Muilwg menhmenh hai bak naeuz: "Yo, dwg mwngz ha." Nyaenma ngaevaez dwk yawj muilwg, muilwg cukcak cik fwngz, fid cik fwngz deng gaem haenx naeuz: "Baezhaenx mbouj

louz saek di cingzmienh, gyaep gou ok mbanj daeuj, haih gou mboujmiz ranz youq, couh dwg mwngz lo." Nyaenma doeksat, dwg de, laxlawz dwg de.

Nyaenma raen mboujmiz muengh lo, nyaenx mbouj ndaej daej hwnjdaeuj, daej dwk siliengz supsup, daej dwk dungxcieg saejcieg. Raemxda riengz naed fwn doek roengz gwnz ndang bae. Sawqmwh, douqlwg dawz mbaw ngaeux he muengz-hoebhoeb ganj daeuj, bang nyaenma cw fwn dangj rumz. Nyaenma riu lo, de gamj daengz gig sim' onj, de menhmenh hai bak: "Mwngz vihmaz doiq gou baenz ndei, mwngz mbouj lau gou ma?" Douqlwg dwggyaez dwk naeuz: "Daxmeh naeuz, boux vunz daeuj lajbiengz, haindung cungj dwg simsienh law. Gou raen mwngz mbouj lumj dwg vunzvaih."

Couh dwg coenz "gou raen



## Suek Faengx

### 包粽子

Gij saeh gou nanzlumz haenx, ndawde miz gienh he gou ceiq nanzlumz, couh dwg bi' gvaq nguxnyied cibngux suek faengx.

Gou sien dawz song mbaw rongfaengx cimq raemx yaepnde, yienzhaeuh daeb hwnjdaeuj, fwngz he gaem, lingh fwngz he dawz mbaw menhmenh gienj haeuj ndaw, gienj baenz aen boi sangakhingz he, gij gak soem de itdingh aeu hab maed, mboujnex haeux rox loh okdaeuj. Gou dwg suek faengxnoh, aeu hamh noh youq cungqgyang. Sien dwk sieg haeux he, cang rim aen boi sangak haenx, menhmenh bongx mbat he hawj haeux coeb roengzbae. Ciep roengzdaeuj ceiq gvanhgen lo, dawz gij fwed mbaw boeb roengz dimz bak boi maenh bae. Aenvih dwg baez nduj suek faengx, ndigah aen faengx gou suek haenx mbouj baenz yiengh. Gou lienmuengz aeu geu fiengzsauj he, hix goq mbouj ndaej fuengfap lo, raen gizlawz soeng couh heux gizde geij mbat, dauqdaej suek ndaej aen he lo. Yienznaeuz gij yiengh aenfaengx mbouj lumj yahdaiq guh haenx ndeiyaewj, hoeng gou ndawsim angqfwdfwd. Gou itgungh guh le caet aen, couh lumj caet aen yinhfuz angqyangz nei.

Aen faengx heiq ndatfwdfwd rangfwtftw daengz ndaw fwngz gou seiz, gou sijsaeq yawj dwk, menhmenh haeb amq iq he, miz raq diemzsub he lae roengz dungx gou bae.

(seiq nienzgaep Se Fanz)

mwngz mbouj lumj dwg vunzvaih", hawj nyaenma youhcai miz saengsim hwnjdaeuj, doeklaeng, nyaenma caeuq douqlwg bienqbaenz baengzyoux ndei. Nyaenma caeuq douqlwg guh baengzyoux le, ciemhciemh bienq simlangh, ciemhciemh bienq dwggyaez……

Baengzyoux dwg gijmaz? Baengzyoux couh dwg mwh mwngz siengsim seiz, bang mwngz dangj rumz cw fwn, baengzyoux couh dwg mwh mwngz muenghduenh seiz, nai mwngz. Cingj mwngz insik baengzyoux mwngz, nyinhcaen doiqdaih baengzyoux mwngz, caensim doiqdaih baengzyoux mwngz.

(haj nienzgaep Veiz Gangh)

